

# Ishonch

2020 йил 10 октябрь • шанба • № 114 (4399)

Бу гулшан  
ичраки, йўқдур  
бақо гулига сабот,  
Ажаб саодат  
эрур, чиқса  
яхшилик била от.  
**Алишер Навоий**

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

## ҚОЗОҒИСТОН РЕСПУБЛИКАСИ, ТОҶИКИСТОН РЕСПУБЛИКАСИ, ТУРКМАНИСТОН ВА ЎЗБЕКИСТОН РЕСПУБЛИКАСИ ДАВЛАТ РАЎБАРЛАРИНИНГ ҚИРҒИЗ РЕСПУБЛИКАСИДАГИ ВОҚЕАЛАР ЮЗАСИДАН ҚЎШМА БАЁНОТИ

Қардош Қирғизистонда содир бўлаётган воқеалар бизни жиддий ташвишга солмоқда.

Кўп асрлик дўстлик ришталари, яхши кўшничлик, умумий маданий ва маънавий қадриятлар билан боғланган яқин кўшнилари сифатида биз ушбу қийин кунларда Қирғизистон халқини мамлакатда тинчликни сақлаш ва барқарорликни тиклаш учун ўзига хос бўлган доноликни намоён этишга чақирамиз.

Қирғизистоннинг барча сиёсий партиялари ва жамоатчилик доиралари тинчлик ва оқилолликни таъминлаш, Конституция ва миллий қонунчиликка сўзсиз риоя этиш билан юзага келган муаммоларни ҳал қилиш учун зарур бўлган саъй-ҳаракатларни амалга оширишига умид билдираемиз.

Қирғизистоннинг раванқи минтақавий хавфсизлик ва бутун Марказий Осиё барқарор ривожланишининг муҳим омилidir.

Мамлакатларимизнинг ўтмиши бир, улар умумий келажакни барпо этмоқда. Марказий Осиё халқларини тарихий жиҳатдан келажак авлодлар фаровонлиги учун барқарор тинчлик, тотувлик ва бунёдкорлик истаги бирлаштиради.

Муштарак мақсадларга интилган ҳолда, давлатларимиз савдо-иқтисодий, инвестициявий, транспорт-коммуникация ва маданий-гуманитар алоқаларни, чегараолди ва ҳудудлараро шерикликни кенгайтириш учун минтақавий ҳамкорликни фаол равишда мустақамламоқда.

Марказий Осиё бирдамлигини янада мустақамлаш йўлидан борар эканмиз, биз Қирғизистон халқини унинг ҳамжиҳатлик, тинч, мустақил тараққиёт ва фаровонлик борасидаги интилишида доимо қўллаб-қувватлаймиз.

## Олтин куз сахобати



ЎЗА суратлари



### Кун НАФАСИ



Ўзбекистон Республикаси ташқи ишлар вазири **Абдулазиз Комилов** мамлакатимиздаги дипломатик миссиясини якунлаган Бангладеш Халқ Республикаси Фавқуллода ва мухтор элчиси **Масъуд Маннани** қабул қилди. \*\*\*

Ўзбекистон Республикаси ташқи ишлар вазири **Абдулазиз Комилов** Покистон Ислам Республикаси Фавқуллода ва мухтор элчиси этиб тайинланган **Сайид Али Асад Ғилонийни** қабул қилди. \*\*\*



Ўзбекистон Республикаси ташқи ишлар вазири **Ўринбосари Илҳом Нейматов** Беларус Республикасининг мамлакатимиздаги Фавқуллода ва мухтор элчиси **Леонид Маринич** билан видеоконференца шаклида учрашув ўтказди. \*\*\*

Ўзбекистон олий таълим тизимининг инвестициявий жозибадорлигини ошириш, хорижий таълим ва илм-фан технологияларини жалб этиш доирасида мамлакатимизнинг **Ҳиндистондаги элчихонаси** ва «People Hive LLC» компанияси раиси **Паван Абрахам** ўртасида видеомулakat ўтказилди. \*\*\*



«Жиззах» эркин иқтисодий зонасида «Оптик толали алоқа кабелларини ишлаб чиқаришни ташкиллаштириш» лойиҳаси доирасида «Global Optical Communication Uzbekistan» («GOC-UZ») МЧЖ шаклидаги **Ўзбекистон – Жанубий Корея қўшма корхонасининг янги заводида пойдевор** қўйилди. \*\*\*

**Шахло Турдиқулова** инновацион ривожланиш вазирининг биринчи ўринбосари лавозимига тайинланди. \*\*\*

**Жаҳонғир Ҳотамов** Наманган вилояти прокурори этиб тайинланди. \*\*\*



АҚШнинг Халқаро тараққиёт агентлиги (USAID) Ўзбекистонга «COVID-19»га қарши курашишга кўмаклашиш мақсадида 2,23 миллион долларлик тиббий жиҳозлар етказиб берди.

ЎЗА хабарлари асосида тайёрланди

### Муносабат

## Ортиқча шовқинга не ҳожат

Ижтимоий тармоқларда «effect.uz» сайтида эълон қилинган видеоларга турли баҳс-мунозараларга сабаб бўлмоқда. Хўш, аслида воқеа қандай бўлган?

**Ушбу саволга Тадбиркорлик, бизнес ва хизмат кўрсатиш соҳалари ходимлари касаба уюшмаси Республика кенгаши қўйидагича муносабат билдиради:**

Т ушунарли бўлиши учун гапни олисроқдан бошлаймиз. 2018 йилнинг 19 ноябрдан буён Фарғона шаҳар ободонлаштириш бошқармаси бошлиғи ўринбосари лавозимида ишлаб келган Х.Тошхўжаевга хизмат вазифаларига совуққонлик билан қарагани, иш фаолиятида камчиликларга йўл қўйгани учун 2019 йил 6 ва 23 декабрь кунлари «Ҳайфсан» интизомий жазоси тайинланиб, бу ҳолга қайта такрорланса, ўз лавозимидан озод қилиниши тўғрисида огоҳлантирилган.

Шу йилнинг 18 март кунини бошқарма бошлиғи А.Назиров Х.Тошхўжаев билан тузилган меҳнат шартномасини иш берувчининг ташаббуси билан бекор қилишга розилик бериш тўғрисида корхона касаба уюшмаси қўмитасига тақдимнома киритган. 19 март кунини касаба уюшма қўмитасининг йиғилиши ўтказилиб, Х.Тошхўжаевга яна бир имконият беришга қарор қилинган. Лекин иш берувчи касаба уюшма қўмитаси қарорини инobatга олман ва эртаси кунини Х.Тошхўжаевни Меҳнат Кодексининг 100-моддаси, 2-қисми, 3-бандига асосан ишдан бўшатган.

Бундан норози бўлган Х.Тошхўжаевнинг мунозаратини ўрганиб чиққан Фарғона вилояти касаба уюшма ташкилотлари бирлашмаси Фарғона шаҳар ободонлаштириш бошқармасига уни ишга тиклаш ҳақида тақдимнома киритган. Бироқ тақдимнома қа-ноатлантирилмаган ва мазкур ма-

сала фуқаролик ишлари бўйича Фарғона шаҳар туманлараро судида кўриб чиқилган. Суднинг шу йил 17 июндаги ҳал қилув қарорига асосан Х.Тошхўжаев ўз лавозимига ишга тикланган.

Аммо бошқарма бошлиғи А.Назиров билан Х.Тошхўжаев ўртасидаги ўзаро келишмовчиликлар ва шахсий адоват шу билан якунланмаган. 23 сентябрь кунини иш берувчи бошланғич касаба уюшмасига Х.Тошхўжаевга нисбатан яна интизомий жазо қўллашга розилик бериш ҳақида тақдимнома киритган.

24 сентябрда бошланғич касаба уюшма қўмитасининг кенгайтирилган йиғилиши бўлиб ўтган ва унда тақдимнома муҳокама қилиниб, Х.Тошхўжаевга нисбатан интизомий жазо берилишига розилик берилган.

Ана энди видеолардаги ортиқча шовқинга келямиз. Гап шундаки, Х.Тошхўжаев ушбу йиғилишга ОАВ вакиллари ва блогерларни таклиф қилган. Лекин иш берувчи ва касаба уюшмасини бу борада огоҳлантирмагани сабабли улар йиғилишга киритилмаган. Шундан сўнг «effect.uz» сайти мухбири журналистика этикасига зид равишда ноҳолис видеоларга тайёрлаб, уни ижтимоий тармоқда эълон қилган.

Аслида у «effect.uz» сайти мухбири «Касаба уюшмалари тўғрисида»ги қонунни тўлиқ ўрганиб чиқмагани, «Оммавий ахборот воситалари тўғрисида» ва «Журналистик фаолиятини ҳимоя қилиш тўғрисида»ги қонунлар ва журналистларнинг касбга оид одоб-ахлоқ қоидаларига амал қилмагани, нотўғри муомаласи, касаба уюшмаси ташкилотига бирор эътироз ёки талаб билдирма-

гани туфайли йиғилишга киритилмаган. Аниқроқ айтганда, мухбир ўзини таништирмаган, тегишли ҳужжатларни тақдим этмаган ва нима сабабдан касаба уюшмаси йиғилишида иштирок этиш мақсадини билдирмаган.

Мухбирнинг «Шалтағларинг» деган сўзи журналистнинг касбга оид одоб-ахлоқ қоидалари ва умуман муомалада қўллаб бўлмайдиган ҳақоратли сўз бўлиб, корхона ходимларини асабларига тегиш ва жанжал қўзғаш мақсадида атайин ишлатилган. Бу эса қонун талабларига зиддир. Маъмурий жавобгарлик тўғрисидаги кодекснинг 41-моддасида ҳақорат қилиш маъмурий жазога сабаб бўлиши белгилаб қўйилган.

Бундан ташқари, жамоатчилик асосида ишловчи маъмурий ишчиларнинг иш ҳақини ўз вақтида олмагани бўйича мунозарат ва ноҳолис ёритилган. Чунки бу тоифадаги ишчиларнинг иш ҳақи шаҳар ободонлаштириш бошқармаси ҳисобидан эмас, балки бандлик ва меҳнат бошқармасида ташкил этилган махсус фонд орқали берилди. Бу эса мухбирнинг ОАВ ваколатлари ва ҳуқуқларини суиистеъмол қилиб, ноҳолис йўл тутётгани ҳамда «пиар» учун ишлаётганидан далolatдир.

Хулоса ўрнида машҳур шоирнинг «Кимга керак ортиқча жунун ва дунёга ғавго солишдан?!» деган хитобини эсга олишни жоиз топдик. Бу ижтимоий тармоқларда касаба уюшмалари фаолиятига турли ноўрин фикрларни билдираётганларга ҳам тегишли...

**Тадбиркорлик, бизнес ва хизмат кўрсатиш соҳалари ходимлари касаба уюшмаси Республика кенгаши**

### Қорақалпоғистон Республикаси

### Хабар

**Қорақалпоғистон Республикаси Жўқорғи Кенгеси, халқ депутатлари туман ва шаҳар кенгашларининг бўшаб қолган ўринларга Ўзбекистон Республикаси Олий Мажлиси Сенати аъзоларини сайлаш бўйича қўшма мажлис бўлиб ўтди.**

## Сенаторлар сайланди

Унда маслаҳат кенгаши томонидан Сенат аъзоларини сайлаш бўйича сайлов бюллетенига киритиш учун таклиф этилган 45-«Шуманай» сайлов округидан Қорақалпоғистон Республикаси Жўқорғи Кенгеси депутати, Ўзбекистон касаба уюшмалари Федерациясининг Қорақалпоғистон касаба уюшмалари ташкилотлари бирлашмаси кенгаши раиси У.Жалменов ва 63-«Қоракўл» сайлов округидан Қорақалпоғистон Республикаси Жўқорғи Кенгеси депутати, Қорақалпоғистон Республикаси Жўқорғи Кенгеси Раиси М.Камалов номзоди муҳокама қилинди.

Очиқлик, ошкоралик билан ўтган муҳокама давомида депутатлар номзодларнинг фаолияти, ҳаёт тажрибаси, ишчанлик, ташаббускорлик, ташкилотчилик фаилатлари тўғрисида ўз фикр-мулоҳазаларини билдирди. Очиқ овоз бериш орқали маслаҳат кенгаши томонидан тақдим этилган номзодларни ёпиқ яширин сайлов бюллетенига кири-



Масъуд АБДУЛЛАЕВ оғлан сурат



публикаси Жўқорғи Кенгеси депутати, Ўзбекистон касаба уюшмалари Федерациясининг Қорақалпоғистон касаба уюшмалари ташкилотлари бирлашмаси кенгаши раиси У.Жалменов ва 63-«Қоракўл» сайлов округидан Қорақалпоғистон Республикаси Жўқорғи Кенгеси депутати, Қорақалпоғистон Республикаси Жўқорғи Кенгеси Раиси М.Камалов Ўзбекистон Республикаси Олий Мажлиси Сенати аъзолари этиб сайланди.

**Есимхон ҚАНОАТОВ,**  
«ISHONCH»





